

HEADLINES

۱. قومی سلامتی کا صلاح کار اجیت ڈوبال نے اج وزیر اعظم نریندر مودینال ملاقات کی ہے مرکزی داخلہ سیکرٹری گووند موہن نے ریاستاں تے مرکزی زیر انتظام علاقوں کا چیف سیکرٹری نال میٹنگ کی ہے۔ پندرہ کل ہون آلی فرجی حفاظتی ڈرل غی تیاریاں غو جازو لیو۔
۲. عوامی تقسیم کاری نظامانہ ایک پڑو فیصلو لیو گیو ہے متعلقہ وزیر ستیش شرما نے کہیو ہے کہ ۶ سال غی عمر غا بچاں تیں علاوہ ہُن بیوہ تے طلاق یافتہ خواتین وی عوامی تقسیم کاری نظام مانہ شامل کی جیں غی۔
۳. سرکار نے قومی سطح ور سڑک حادثاں مانہ زخمی ہون آلا افراد وستے ڈیڈھ لکھ روپیاں توڑی غو علاج مفت کردتو ہے۔
۴. بھارت پاکستان بین العقوامی سرحد ور کشیدگی غے پیش نظر کسان تیزی نال اپنی فصلاں غی کٹائی کر رہیا ہیں۔
۵. ضلع پونچھ مانہ فوج نے ایک پاکستانی درانداز نانہ گرفتار کرلیو ہے۔

PM NSA

پہلگام دہشت گرد حملہ تیں بعد لگا تار اعلیٰ سطحی میٹنگ جاری ہیں تے اج قومی سلامتی کا صلاح کار اجیت ڈوبال نے نوی دہلی مانہ وزیر اعظم نریندر مودی غی رہائش گاہ ور اُن نال ملاقات کی ہے واضع رہ جے گزشتہ روز دفاعی سیکرٹری راجیش کمار سنگھ نے وزیر اعظم نال ملاقات کی تھی اس تیں پہلاں بھارتیہ فضائیہ غا ایر چیف مارشل امر پریٹ سنگھ نے وی وزیر اعظم نال ملاقات کی تھی بھارتیہ بحریہ غا چیف ایڈمیرل دنیش کے تریپاٹھی تے فوج غا چیف جنرل اوپیندر دیویدی وی وزیر اعظم نال الگ الگ میٹنگ کرچکا ہیں اسے دوران مرکزی داخلہ سیکرٹری گووند موہن نے اج ریاستاں تے مرکزی زیر انتظام علاقوں کا چیف سیکرٹریاں نال ویڈیو کانفرنسنگ غے زریوے میٹنگ لی تے۔ پندرہ کل ملک غے اندر منعقد ہون آلی فرضی ماک ڈرل غو جازو لیو اس میٹنگ مانہ سول ڈیفنس غا ڈائریکٹر جنرل تیں علاوہ اینڈی آر ایف غا ڈائریکٹر جنرل تے کئی دیگر اعلیٰ افسراں وی موجود تھا۔

PDS COVERAGE

جموں کشمیر غے اندر خوراک تحفظ نانہ یقینی بنان خاطر خوراک سول سپلائی تے امور صارفین محکمہ نے عوامی تقسیمکاری نظامانہ مزید وسعت دتی ہے یاہ جانکاری متعلقہ محکمہ گا وزیر ستیش شرما نے زریع ابلاغ نال گل بات غے دوران دتی وزیر موصوف نے دسیو کہجاری کی گئی ہدایتاں غے مطابق ۶ سال یاہ اس تیں متی عمر غا ہر بچہ نانہ گنہ غا راشن کارڈ مانہ شامل کیو جے غو۔ اس تیں علاوہ بیوہ تے طلاق یافتہ خواتین جہیڑی پہلاں پی ڈی ایس نظام مانہ شامل نہیں تھی اُن نانہ وی عوامی تقسیم کاری نظام مانہ شامل کیو جے غو۔

CASHLESS TREATMENT

سرکار نے قومی سطح ور سڑک حادثاں مانہ زخمی ہون آلا افراد گا کی ہے جس مانہ سڑک حادثہ مانہ زخمی ہوا افراد ڈیڈھ لکھ روپیہ توڑی غا خرچہ غو علاج بغیر پیساں تیں کراسکیں غا سڑک آمدرفت تے قومی شاہراہ غی وزارت غی طرفوں اس سکیم غو اعلان کیو گیو ہے تے ۵ مئی ۲ ہزار ۵۲ تیں یاہ اسکیم لاگو ہوچکی ہے اس سکیم غا ضابطاں غے تحت کوآے وی فرد سڑک حادثہ مانہ زخمی ہون غی صورت مانہ ڈیڈھ لکھ روپیہ توڑی علاج م معاینو مفت کراسکے گو۔

IWT SUSPENSION

ریاسی ضلع گا لوکاں نے حکومت غی جانب تیں پاکستان غے نال دریا سندھ آبی معادہ غی گجھ شرط نانہ معطل کرن غا فیصلہ گو خیر مقدم کیو ہے خطہ مانہ اہم دریائے چناب غو پانی حالیہ دنوں مانہ کافی کھٹ ہو گیو ہے جس غی وجہ تیں کساناں تے عام لوکاں نانہ پریشانی ہو رہی ہے کیونجے لوک اس پانی نانہ زراعت تے روز مرہ غا کم واسطے استعمال کریں تھا۔ پانی غی کمی غی وجہ تیں

معاهده غے تحت اوپر تیں پانی غی تقسیم کاری مانہ مشکلات پیش آرہی ہیں۔ معطلی صرف ایک سفارتی قدم نہیں بلکہ مقامی ترقی تے وسیال غا تحفظ نانہ ترجیح دین غی طرف اشارو ہے۔

ACCIDENT

ضلع پونچھ غی تحصیل مینڈر غا گھنی علاقہ مانہ اج پیش آیا سڑک حادثہ مانہ ۲ افراد غی موت واقعہ ہوگئی ہے رپوٹ غے مطابق بس ڈرائیور سٹرینگ ور قابو نہ پاسکو جس غا نتیجہ مانہ بس ڈونگی کھائی مانہ جاپنی اس سڑک حادثہ مانہ 4 افراد غی موت واقعہ ہوئی ہے جد کہ 46 دوجا افراد زخمی ہیں اس سلسلہ مانہ بچاؤ مہم شروع کی گئی تے زخمیاں نانہ نزدیکی اسپتال پُجاگیو اس سلسلہ مانہ پولیس نے معاملو درج کر غے تحقیقات شروع کردتی ہے۔ جنگلات تے قبائلی امور غا وزیر جاوید رانا نے اس سڑک حادثہ مانہ زخمی ہویا افراد غو پتو لان خاطر راجوری ہسپتال گو دورو کیو اس دوران گل کرتا مانہ جناب جاوید رانا نے اس طرح کہیو۔

JK FARMERS

جموں کشمیر مانہ تقریباً ۰۰۲ کلو میٹر طویل بھارت پاکستان بین الاقوامی سرحد غے نال رہن آلاں کسان پہلگام دہشت گرد حملہ تیں بعد بدھتی وی کشیدگی غے دوران فصلان غی کٹائی مکمل کرن غی دوڑ مانہ لگیا ویں ہیں۔ آکاشوانی جموں گا نمائندہ غے مطابق جموں سانہ تے کٹھوہ غا ۳ ضلاع مانہ تقریباً ۱ لکھ ۵۲ ہزار ہیکٹر زرعی زمین پاکستانی شیلنگ غی زد مانہ آئے۔ تروا، ماشے دے کوٹھے۔ چاندو چک، گھرا نا، بلا چک تے کروٹانا کلاں جیسا دیہات مانہ دن رات کسان کم کر رہیا ہیں تانجے فصل کپ غے اناج نانہ خشک کیو جاسکے تے اکٹھو کر غے چکی توڑی پُجاگیو جاسکے۔

PAK INTRUDER

ضلع پونچھ مانہ قبضہ لکیر غے نیرے ایک پاکستانی درانداز نانہ گرفتار کیو گیو ہے زریعاں نے دسیو ہے کہ اس درانداز غی عمر ۰۲ سال غے قریب ہے تے فوجی عملہ نے اس شخص غی دراندازی تیں فوراً بعد گرفتار کرلیو ہے اس شخص تیں مزید پوچھ تاچھ کی جارہی ہے تے اس سلسلہ مانہ مزید تفصیلات غی اجیں اڈیک ہے۔ اس سلسلہ مانہ پیش ہے مارا نمائندہ غی یاہ رپوٹ۔

CSIT INITIATIVE

چیف سیکرٹری اٹل ڈلو نے گزشتہ روز ایک اعلیٰ سطحی میٹنگ غی صدارت کی تانجے جموں کشمیر غے اندر بکھ بکھ محکمان مانہ اطلاعاتی تکنیکاں وستے چایا گیا اقدامات غو جاپڑو لیو جاسکے اس سلسلہ مانہ باسکر اچاریہ قومی ادارہ برائے خلائی تکنیک تے جیو انفارمیٹکس غی تکنیکی معاونت وی حاصل کی گئی ہیں میٹنگ غے دوران موصوف نے اطلاعاتی تکنیکاں گا تناظر مانہ چل رہیا کام کاج غو تفصیلی جاپڑو لیو اس دوران موصوف نے پی ایس اے جی این غا تکنیکی کردار ور مبارک باد پیش کی تے سرکار غی کوششاں مانہ اس ادارہ غاکم کاج تے لگاتار معاونت ور خوشی گو اظہار وی کیو۔

DC REASI EXPRESSWAY

ڈپٹی کمشنر ریاسی ندی ملک نے دہلی، امرتسر، کٹڑہ ایکسپریس وے ور جاری کم گو جاپڑو لین واسطے بھارت غی قومی شاہراہ اتھارٹی سمیت تمام متعلقہ حکام غے نال میٹنگ کی میٹنگ غیدوران ڈی سی نے واضع ہدایت دتی کہ ایکس پریس وے غی تعمیر غے دوران زمین غی کٹائی تے کٹائی تیں جن رہائشیاں غی عمارتاں مانہ دراڈ پئی ہیں اُن ور فوری کاروائی کی جے اُنہاں نے زور دتو کہ تعمیراتی سرگرمیاں تیں ہون آلو کوئی وی نقصان صرف این ایچ اے پی غی ذمے داری ہے ڈی سی نے این ایچ اے پی غی افسران نانہ ہدایت دتی کہ نقصانات غو فوری اندازو لاویں تے مرمت غو کم جلد مکمل کریں تانجے عمارتاں غی مضبوطی ہو سکے۔

POLYTHENE SEIZURE

جموں میونسپل کارپوریشن نے گزشتہ شام نروال غا راجیو نگر سڑک ور واقع ایک گودام نیں تقریباً ۰۴ ہزار کلو مومی لفافہ ضبط کیا جہیڑو غیر قانونی طریقہ سنگ اکٹھو تے تقسیم کیا جارہیو تھو۔ یہ کاروائی جی ایم سی کمشنر دیوانش یادو غی قیادت مانہہ کی گئی گودام مانہہ ایک ٹرک لبو جہیڑو مکمل طور ور مومی لفافہ سنگ لڈیو وی تھو۔ تے گودام غے اندر بڑی مقدار مانہہ پلاسٹک غو سامان تھو۔ چھاپا غے دوران ٹیم نانہہ گٹکا غا کئی پیکٹ وی ملا بیں۔ کمشنر یادو نے دسیو کہ یوہ مومی لفافو ایک بار استعمال ہون آلی اشیاء بے جس ور پابندی عائد بے۔

PMAY U TRAINING

پردھان منتری آواس یوجنا شہری ۲ اشاریہ صفر غے تحت گھر گھر سروے غی تیاری واسطے سانہہ ادھمپور تے راجوری ضلاع مانہہ سہیڑو زر تے سروے کرنا لا اہلکاراں واسطے ایک روزہ تربیت غو پروگرام کامیابی سنگ منعقد ہوو۔ یوہ پروگرام متعلقہ ضلاع غا ایڈیشنل ضلع ترقیاتی کمشنر تے پی ایم اے ویو گا نوڈل افسراں یعنی چمپا دیوی ٹھاکر راجندر سنگھ تے ڈاکٹر راج کمار تھاپہ غی نگرانی مانہہ ہوو۔ اس تربیت غو مقصد یوہ تھو کہ فیلڈ مانہہ کم کرن آلاں لوکاں نانہہ وہ ہنر تے چیز فراہم کی جیں جن غی مدد تیں ویں شہری علاقہ مانہہ ایسا خانداناں غو پتو لاسکیں جہیڑا بے گھر بیں۔
